

本冊目錄

(接上冊)

高宗純皇帝聖訓

〇〇一

康熙皇帝御批真迹選

二四三

雍正皇帝御批真迹選

二五二

乾隆皇帝御批真迹選

二七〇

通典·邊防

二九五

皇朝通典·邊防

四八六

欽定續通典·邊防

五三〇

邊政考

五七三

大清高宗法天隆運至誠先覺體元立極敷文
奮武孝慈神聖純皇帝聖訓卷之四十三

武功三

乾隆二十年乙亥正月丁丑

上諭軍機大臣等定邊左副將軍阿睦爾撒納
帶領哨探兵由北路進剿著參贊大臣額駙
色布騰巴勒珠爾郡王品級青滾雜卜內大
臣瑪木特奉天將軍阿爾泰一同前進定邊
右副將軍薩喇勒帶領哨探兵由西路進剿

高宗純皇帝
卷四十三

著參贊大臣郡王班珠爾貝勒品級扎拉豐
阿內大臣鄂容安一同前進所有陳奏事件
北路著阿睦爾撒納爲首西路著薩喇勒爲
首參贊大臣等俱著並列應奏事件一面奏
聞一面呈報將軍兩路哨探兵會合一處則
令阿睦爾撒納爲首其續進大隊兵丁到日
北路著班第西路著永常爲首兩路大兵會
合一處遇有奏事卽著班第爲首

三月壬寅

上諭軍機大臣等據薩喇勒等奏噶勒藏多爾

濟率衆投誠看來大功告成在指掌間不勝
欣慰薩喇勒遵朕訓示動合機宜實屬可嘉
俟功成後加恩優敘先將朕賞佩荷包賜予
並賞給雙眼翎以示優獎噶勒藏多爾濟元
準噶爾大台吉所屬之人甚衆著薩喇勒即
同扎拉豐阿鄂容安策凌策凌烏巴什策凌
孟克傳旨曉諭朕聞伊來降甚爲喜悅特遣
侍郎玉保前往降旨獎諭因道遠不能多賚

高宗純皇帝
卷四十三

什物先將朕御用數珠荷包等賜予獎大功
告成後更加殊恩寵錫天朝此次用兵實因
準噶爾地方互相殘殺民不聊生是以特命
六師前來拯救俟平定準噶爾後令四衛拉
特人等照舊安居並封王爵共享昇平噶勒
藏多爾濟旣爲準噶爾大台吉卽封爲禪羅
斯汗其阿睦爾撒納應封額特汗策凌應封
都爾伯特汗班珠爾應封和碩特汗同至熱
河朝覲大加宴賚故先爲宣示俾汝知之焉

中國少數民族古籍集成(漢文版)

總類·綜述

〇〇二

於投降各台吉等亦降旨宣諭汝等傾誠向
化皇上俱深爲優獎因汝等戶口多寡差等
尙未周知是以未頒賞賚什物一俟玉保查
奏卽行賞給策凌等帶至熱河入覲應賞給
爵秩者亦卽給予可一一曉諭俾伊等踴躍
歡欣佇荷朕恩

五月壬辰

上諭內閣定邊左副將軍阿睦爾撒納等奏報
大兵直抵伊犁準噶爾部衆人等載道歡迎
現已撫定賊巢達瓦齊遁竄遊魂可計日就
縛等語準噶爾一事實我

皇祖聖祖仁皇帝

皇考世宗憲皇帝籌辦未竟之緒卽朕御極以
來亦屢准其請安貿易初未有與師致討之
成心邇年因其篡奪相尋人心瓦解諸部台
吉策凌策凌烏巴什及阿睦爾撒納等叩關
內附先後踵至其人皆熟悉彼地情形洞曉
軍務朕於熱河召見時伊等皆深知感激朕

高宗純皇帝

卷四十三

三

高宗純皇帝

卷四十三

四

恩以願効前驅爲請是其勢有可乘機不容
失因籌及兩路興師之舉而人心狃於久安
在廷諸臣惟大學士傅恒與朕協心贊畫斷
在必行餘無不意存畏葸今日諸王大臣具
在試各自揣本心方創議伊始確然信爲必
當從事者誰乎甚至如策楞舒赫德身肩其
任而懦怯乖張幾至債事經朕降旨治罪而
無識之徒未必不曲爲致惜由今日觀之則
此二人當治罪乎否乎夫準噶爾一日不定

皇祖

則其部曲一日不安來歸之人將日益衆非
得其地何以處之蓋揆情度勢今昔迥殊在
皇考時適當其聲勢方張藩籬完固彼得恃遠
遭誅未及犁庭掃穴設處今日事機之會有
不乘時決策迅奏膚功者乎卽朕籌辦之初
亦未敢遽信大功計日可就是以
禡牙推轂之典概未舉行設或時會稍有濡滯
朕亦惟有自爲引咎耳然究不肯以畏難之

見徇浮論而失機宜且近日滿洲陋習假持重以文其退縮在朕前並不能據實陳奏一惟退有後言此風實可寒心現在師行未及半載初無血及遺鏃之勞軍費諸費較前甫及十之一二卽喀爾喀部落亦並未以大兵經過稍有滋累而所至耕牧不移壺漿夾路爲亘古所未有試問前此之鯁鯁過計謂爲有損無益必不可行者今果有所損乎否乎果當行乎否乎

皇祖平定朔漠詩中卽有力排衆議之語足見我朝

家法獨運乾綱主持振作羣臣惟當竭心協志共思奮發有爲若一任因循不知其委靡頹敝流入何等矣故今雖值此捷奏頻仍遐荒底定而朕心初不以爲喜惟有感戴

上蒼福佑

列祖貽庥與廷臣益加儆勗而已其身忍哉行諸臣調度合宜克成偉績應加懋賞用示酬

庸阿睦爾撒納賞親王雙俸所屬護衛官員增添一倍并加賞豹尾鎗四桿其子著加恩封爲世子班第薩喇勒俱著晉封一等公并賞四團龍補服金黃繅朝珠瑪木特著晉封三等公仍賞二團龍補服雙眼孔雀翎俱准其常時服戴以示優獎色布騰巴勒珠爾著賞親王雙俸所屬護衛官員增添一倍扎拉豐阿著晉封郡王車布登扎布普爾普俱著晉封貝勒策凌著賞親王雙俸所屬護衛官

員增添一倍策凌烏巴什班珠爾納默庫俱著晉封親王策凌孟克著晉封郡王在事大臣官員兵丁著該將軍等分別等第造冊送部議敘參贊大臣達勒當阿阿蘭泰等一併交部議敘兩路管理臺站官員亦著查明議敘大學士忠勇公傅恒著加恩再授一等公爵以爲力矯積習爲國任事者勤軍機大臣等并著交部議敘所有一切應行典禮大學士會同各該衙門詳察具議以聞

六月丙午

上諭軍機大臣等阿睦爾撒納等帶領官兵至達瓦齊駐營之地指示調度列陣揚威所派喀喇巴圖魯阿玉錫等帶兵僅止二十二名卽能賈勇無前使賊衆驚潰敗走招撫數千餘人深屬可嘉喀喇巴圖魯阿玉錫巴圖濟爾噶勒察哈什等遵令乘夜翻營一鼓先登所向披靡尤爲實力奮勉俱著加恩授爲散秩大臣仍加賞男爵准其世襲並賜銀三百兩兵丁二十二名俱著授爲三等侍衛仍各賜銀一百兩喀喇巴圖魯阿玉錫在軍營已及一年現亦無事著卽馳驛赴熱河到時朕仍從重加恩遣回游牧居住其投誠之額魯特莽漢們都原係達瓦齊調取之兵傾心歸順將賊情詳悉稟告亦堪嘉予著阿睦爾撒納等卽酌量賞賚以示獎勵

癸丑

上諭內閣此次大兵進剿所有從前雍正年間

高宗純皇帝

卷四十三

七

高宗純皇帝

卷四十三

八

自青海畔逃之羅布藏丹津及上年潛逃之都爾伯特台吉巴朗孟克特穆爾等俱已就擒現在卽日押解來京所有獻俘典禮著該部察例具奏擇吉舉行

戊午

上諭軍機大臣等班第等奏稱達勒當河率布登扎布等追擒達瓦齊至奎魯克嶺見其已入布魯特境內現在遣人曉諭利害令其擒獻等語此次進兵無折矢遺鏃之勞衆俱降服不應使達瓦齊反得遁逃大兵追賊至切近之時誠能奮勇前進自必就擒何至今其免脫此係官兵不能鼓勇所致乃謂因中途馬乏撤回獨不思達瓦齊脫逃時伊之馬匹盡能不乏乎若論伊等不能極力追捕卽應治罪但念平定伊犁伊等與有勞績姑從寬免著傳諭班第阿睦爾撒納薩刺勒等將達瓦齊擒獲再我大兵深入甫定伊犁理應示以寬仁慰撫新降人衆今額魯特兵丁等

妄行劫掠大干法網將軍等卽應嚴行查拏治以軍法以示警戒乃僅傳檄禁止伊等安知畏懼但事屬旣往姑毋深究著班第阿睦爾撒納薩喇勒等留心體察如有似此者嚴加懲治毋得稍事姑息

十月戊午先是達瓦齊致竄回入阿奇木霍集斯伯克執獻軍門至是檻送至京獻俘闕下準噶爾平

御製平定準噶爾告成太學碑文曰遠矣山戎

高宗純皇帝

卷四十三

九

薰粥旃裘毳幕之人界以龍沙畜其驪奚雖無恒業厥有分部蓋自元黃剖判萬物芸生東夷西夷各依其地謬舉淆雜未爲理據皇古莫紀其見之書史者自周宣太原之伐秦政亘海之築莫不畏其侵軼猾夏是虞自時厥後一二奮發之君慨然思挫其鋒而馳之宥然事不中機材不副用加以地遠無定處故嘗勞衆費財十損一得措紳之儒守和親介胄之士言征伐征伐則民力竭和親則國

中國少數民族古籍集成(漢文版)

高宗純皇帝聖訓

〇〇五

高宗純皇帝

卷四十三

十一

威喪於是有守在四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷天之龍興東海撫華區有元之裔久屬版章歲朝貢從征狩執役惟謹準噶爾額魯特者本有元之臣僕叛出據西海終明世爲邊患至噶爾丹而稍強吞噬鄰蕃闖入北塞我皇祖三臨朔漠用大破其師元惡伏冥誅脅從遠遜跡毋俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計襲哈密入西藏準夷之勢於是而復張兩朝命將問罪雖屢獲捷而庚戌之役逆子噶爾丹策凌能用其父舊人乘我師怠掠喀於巴里坤擣營於科卜多於是而準夷之勢大張然地旣險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武既揚不可以既允其請和以怠我衆予小子敬奉

先志無越思焉既而噶爾丹策凌死子策妄多爾濟那木扎爾暴殘喇嘛達爾扎而酗酒虐下尤甚瓦齊又篡奪喇嘛達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善

高宗純皇帝

卷四十三

十二

循之且毋令滋方來之患於我喀爾喀也於是議進兩路之師問彼罪魁安我新附凡運餉籌馭長行利戰之事悉備議之始熟經於庚戌之艱者咸懼蹈轍惟大學士忠勇公傅恒見與朕同而新附諸台吉則求之甚力朕謂犁庭掃穴卽不敢必然喀爾喀之地必不可以久居若而入毋寧用其鋒而觀厥成卽不如志亦非所悔也故凡

馮旗命將之典概未舉行亦云偏師嘗試爲之

高宗純皇帝

卷四十三

十二

耳塞上用兵必以秋而阿睦爾撒納瑪木特請以春月欲乘彼馬未肥則不能邀朕謂其言良當遂從之北路以二月丙辰西路以二月己巳各起行哈密瀚海向無雨今春乃大雨咸以爲時雨之師入賊境凡所過之鄂拓克攜羊酒糧精迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等

二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌回人阿奇木霍集斯伯克執達瓦齊來獻軍門準噶爾平是役也定議不過二人獲事不過一年兵行不過五月無亡矢遺鏃之費大勳以集遐壤以定豈人力哉

天也然

天垂佑而授之事機設不奉行之以致坐失者

多矣可與樂成不可與謀始亦謂蚩蚩之衆云爾豈其卿大夫之謂既克集事則又曰苟知其易將勸爲之夫明於事後者必將詳於幾先朕用是寒心且準噶爾一小部落耳一二有能爲之長而其樹也固焉一二暴失德之長而其亡也忽焉朕用是知懼武成而勒碑文廟例也禮臣以爲請故據實事書之其辭曰茫茫伊犁大幹之西匪今伊昔化外羈縻條支之東大宛以南隨畜獵獸蠶聚狼貪

乃世其惡乃恃其遠或激我攻而乘我緩其計在斯其長可窮止戈靖邊化日薰風不侵不距不來其那款關求市亦不禁訶始慕希珍終居奇貨吏喜無事遷就斯慳漸不可長我豈懼其豈如宋明和市之爲旣知其然飭我邊吏弗縱弗嚴示之節制不仁之守再世斯斬篡奪相仍飄忽荏苒夙沙革面煎羣披忱集泮飛鵠食黽懷音錫之爵位榮以華裾膝前面請願効前驅兵分兩路雪甲霜峰先

導中堅如鼉錯攻益以後勁蒙古舊屬八旗子弟其心允篤二月卜吉牙旗飄飄我騎斯騰無待折膠泉湧於磧蕪苗於路我衆歡躍謂有

天助匪啻我衆新附亦云黃髮未親水草富春鳥嚙木齊波羅塔拉台吉宰桑紛紛款納牽其肥羊及馬潼酒獻其屠耆合掌雙手予有前諭所禁侵陵以茶交易大愉衆情衆情既愉來者日繼蠢達瓦齊擁兵自衛依山據淖

惟且夕延有近萬人其心十千勇不目逃擒二十五曰阿玉錫率往賊所銜枚夜襲直入其郭揮矛拍馬大聲疾呼彼人既離我志斯合突將無前縱橫挫衄案角鹿垂隴種東籠自相狼籍孰敢攫鋒孤竄鼠逃將往異域回部遮之兇渠斯得露布旣至告廟受俘凡此歲功荷天之衢在古周宣二年乙亥淮夷是平常武詩載越我

中國少數民族古籍集成(漢文版)

總類·綜述

〇〇八

皇祖征噶爾丹命將

鴻旗亦乙亥年旣符歲德允協師貞兵不血刃

漠無王庭昔時準夷弗恭弗聽今隨師行爲

師候尉肯時準夷日戰夜征今也偃臥知樂

人生曰匪準夷曰我臣僕自今伊始安爾遊

牧爾牧爾耕爾長孫子曰無向非豈有今是

兩朝志竟億載基成側席不違保泰持盈

御製平定準噶爾勒銘伊犁碑文曰惟

天盡所覆俾我皇清罔不在宥惟清奉

高宗純皇帝

卷四十三

十五

昊天撫薄海兆庶悉主悉臣

太祖

太宗

世祖肇基宅中皇耆其武

聖祖

世宗觀光揚烈克臻郅隆逮予藐躬思日孜孜

期四海同風咨汝準噶爾亦蒙古同類何自

外攜數世梗化篡奪相仍碩仇其下厥達瓦

齊甚毒於醒衆心底底如苗斯蠱如虺斯螫

衆口嗷嗷視爾嗷止予焦勞止期救不崇朝

止視爾底止予噫嘻止亟出汝塗泥止乃命

新附爾爲先鋒熟悉其路迺命勁旅攜數月

糧毋或掠擄師行時兩王旅暉暉亦無潦阻

左旋右抽王旅渾渾旣暇以休烏嚕木齊及

五集賽度之折折台吉宰桑迎降恐後奚事

斧吭波羅塔拉闐爾奇嶺險如關闔倒戈反

攻達瓦齊走且夕塗窮回部遮獲彼鼠斯彖

地入無隙露布飛至受俘午門受賚其罪自

高宗純皇帝

卷四十三

十六

今伊始四部我臣伊犁我宇曰緯羅斯及都

爾伯特和碩特輝特封四可汗衆建王公遊

牧各安宰桑公臣屬我旗籍誰汝昔辛爾恭

爾長爾孳爾幼徐以教養爾駝爾牛爾羊爾

馬畜牧優游分疆各守毋相侵陵以干大咎

齊禦外域曰布魯特越哈薩克醉飲飽食敬

興黃教福自天錫伊犁平矣勒貞珉矣於萬

斯年矣

御製平定準噶爾勒銘格登山碑文曰格登之

崔嵬賊固其壘我師堂堂其固自摧格登之
嶽辭賊營其穴我師洸洸其營若綴師行如
流度伊犁川粵有前導爲我具船渡河八日
遂抵格登面淖背巖藉一昏冥曰濤厥盡曰
殲厥旅豈不易易將韜我武將韜我武詎曰
養寇曰有後謀大功近就彼衆我臣已有成
辭火炎崑岡懼乖皇慈三巴圖魯二十二卒
夜斫賊營萬衆股栗入各一心孰爲汝守汝
頑不靈尙竄以走汝竄以走誰其納之縛獻

軍門追悔其遲於恒有言曰殺寧育受俘赦
之光我擴度漢置都護唐拜將軍費賂勞衆
弗服弗臣旣臣斯恩旣服斯義勒銘格登永
詔億世

十二月戊申

上諭內閣阿睦爾撒納本一奸詭狡惡之人因
數年來準噶爾部落篡奪相尋希圖吞滅而
準噶爾台吉乃綽羅斯世傳伊係輝特勢不
能遠行竊踞遂以達瓦齊爲奇貨誘助交鋒

伊得從中取事及達瓦齊旣爲台吉不遂所
欲乃率衆來降彼時策楞舒赫德議留其丁
壯於軍營而老幼婦女悉於歸化城安置朕
爲天下共主彼以窮蹙來歸而轉令其妻子
離散實所不忍且伊擁衆數千戶同來亦斷
不肯聽其離析勢必肆出劫掠其爲害於喀
爾喀者甚大是以治策楞舒赫德之罪而召
見阿睦爾撒納於熱河行在錫之封賞伊卽
面陳平定準噶爾方畧準噶爾一事乃我

皇祖

皇考屢申撻伐未竟之緒本所當辦今旣幾有
可乘自不容已而以夷攻夷非卽用伊爲先
導不可是以卽用伊爲將軍然朕已早燭其
未可深信故令額駙色布騰巴勒珠爾與之
同行密降諭旨阿睦爾撒納若實心出力可
與之事權以誠感之若有反叛之狀則汝收
將軍印便宜行事伊旣向化而來朕惟冀誠
布公實心相待加以厚恩伊亦人類豈不知

感此

上蒼所鑒臨初非術馭之利結之逆詐而圖之也迨伊犁既定朕降旨封四衛拉特爲四汗伊遂潛懷逆謀欲併踞準噶爾遣人至哈薩克揚言伊犁兵平定伊犁而不云天誅大兵又託言哈薩克人衆謂非令伊爲總台吉不可私認兵數千置將軍印不用用準噶爾台吉私印植黨修怨殘殺自恣六月內班第等具以奏聞朕卽降旨令其卽軍中率諸治

高宗純皇帝

卷四十三

五十九

罪班第等旋奏伊犁將遵旨入覲朕召軍機大臣示以所奏機宜皆謂阿睦爾撒納自必前來瞻仰或慮其回巢後滋生事端耳而朕卽豫料其必不前來是以復令班第等卽於彼中相機從事若已起身在旬日內亦當追回迅速擊問蓋伊旣懷叵測卽詐入覲亦必於途次遷延若不早爲完結必致生變與其俟伊交結煽動變遷而費大何如及時乘機辦理之爲得也乃班第等奏稱已遵旨遣人

高宗純皇帝

卷四十三

二十

追取適有哈薩克使者同行恐其驚疑復將追取之人撤回獨不思哈薩克自大兵平定伊犁卽屢次遣使至營本極恭順且深悉阿睦爾撒納之反覆狡詐果正其罪亦何妨明切曉諭示以天討彼何驚疑之有此班第等不能遵旨辦理自失機宜之大端也朕見班第等不能在外完結卽料其至伊犁收地方必且竄匿必且潛取家屬因降旨烏里雅蘇臺軍營大臣等令於撤回滿洲索倫兵內截留一千名往禦而阿睦爾撒納果密窺心腹邀其妻子起期奔會幸其所使班珠爾後期而我滿洲索倫兵已詰朝畢集遮留其妻子部衆無一入關出者班珠爾等伎倆既窮始束身入覲仍計同時劫之以去此朕於熱河親訊時據班珠爾等一一供吐者若我不豫爲部署彼之家屬人衆將安然還國豈不增其羽翼耶額琳沁多爾濟我之札薩克親王班第等以其老成可任令與阿睦爾撒納同

行乃齊本庫爾旣密告其弟逆謀已著迪當擒戮而恬不知警但答以我單親王彼雙親王不敢便宜從事夫旣爲國家叛賊尙何雙親王之足論及阿睦爾撒納繳授將軍印信令伊先行尙不覺悟逾日乃知其遁去始以兵追捕而已無及矣此又自矢機宜之一大端也班第鄂容安薩喇勒駐劄伊犁受心膂之寄當聯爲一體乃班第爲人過於謹慎氣局狹小好親細事鄂容安雖尙知大體而不

能通蒙古語一應機密籌畫未能洞悉頗有漢人習氣至薩喇勒之在準噶爾警之內地王府長史護衛者流耳今雖授以顯秩彼衆原所不服而伊復蠱率自大三人者皆習各殊安望其能和衷共濟重以阿睦爾撒納之奸其所不悅盡遣入朝三臣之左右皆其黨與三臣深信不疑疎於自衛兵盡處焉遂救緩急無應而軍營金帛茶布以饋賞賚者頗充裕夷衆耽耽以視而班第等初不介意則

如敦多克曼集乃阿睦爾撒納所信用班第等一聞槍掠臺站之信卽應立爲擒戮以翦其爪牙乃轉令傳諭喇嘛安撫夷衆敦多克曼集因得招集羣兇操戈相向三臣倉卒衝突賊衆大至勢不能支班第鄂容安捐軀以殉薩喇勒被執設班第鄂容安見機明決早爲之所安得至此此二臣之殞命種種皆由自誤無所歸咎而朕用人失當之誤亦無可辭也所可異者阿睦爾撒納之狂悖情形色

布騰巴勒珠爾在軍營時皆所深悉且曾受朕密旨防範者乃毫不加察反爲其所愚與班第等如水火朕是以命其來京乃在朕前仍無一言奏及伊親爲額駙位列藩王豈其與逆豎同謀實可信其必無是理特年少無知初不料其至此也至永常以領兵大臣駐守烏嚕木齊聞臺站被掠初以爲窮夷自相攻劫奏請帶兵追逐意尙近於勇往卽加內大臣銜以示鼓勵及聞阿睦爾撒納逃叛輒

中國少數民族古籍集成(漢文版)

總類·綜述

〇一二

畏葸乖張甘心債事退回巴里坤而置伊犁於度外設令永常當業克明安宰桑扎木奈等叩轅請告之時厲兵迅往諸部得所安協協力搜捕阿睦爾撒納牙身遺軼可計日就擒西陲已早安帖無事如北路之殲滅包沁是其明驗也若以爲臺站已斷難於前進則現在策楞與噶勒藏多爾濟之子諾爾布林沁又何以能偏師深入振我軍威而伊犁之喇嘛宰桑等皆聞風內竊悔懼自新願率衆

高宗純皇帝

卷四十三

二十三

追捕叛逆以贖其罪耶策楞旣能奮勉以蓋前愆爰授以定西將軍而永常之罪不容誅今雖死於道路亦當明正典刑總之比事諸臣昧於機宜節節貽誤然其中蓋有天意何則朕思阿睦爾撒納雖傾險反側臣當

伊犁甫定衆或以其爲國宣勞而一切罪狀惟軍營大臣見之朕及軍機大臣等知之天下後世不盡知之也又設使其遵旨入覲朕爲久遠計本欲宣播其奸孽問治罪然無知

者猶將有烏盡弓藏之議是今日之逆跡顯露使人人知其必不可不誅未必非上蒼之默敗之也人情樂於觀成難於謀始上年定議用兵舉朝率多疑議及伊犁平定則以爲事出意外聞阿睦爾撒納貢恩逃叛又以爲究不可辦且以爲此固當然今聞伊犁宰桑悔罪擒賊或又以爲恐未必然人心風俗一何怯懦至此此朕所以愧且懼也定鄂客安見危授命固爲可憫然於事無補迴

高宗純皇帝

卷四十三

二十四

非傳清拉布敦之殞身西藏爲國除兇者可同年而語然一死已足自贖班第賊勇公爵仍著加恩令伊子巴錄承襲鄂客安襲勒伯爵著該旗帶領伊子引見令其承襲朕於軍國重務一本大公隨機順應順者嘉與之逆者誅討之奮勇者獎勵之怯懦者罰誣之惟準乎事理之至當初非窮兵勤遠亦不至耗財重費合計現在軍需較之雍正年間所費不及六之一而偏災賑卹與六中外賞賚初

未因軍興稍有裁損此王公大臣等所共知者彼妄生異議者誠何心耶用將此事顛末並在事諸臣功罪宣諭中外知之

大清高宗法天隆運至誠先覺體元立極敷文奮武孝慈神聖純皇帝聖訓卷之四十三

大清高宗法天隆運至誠先覺體元立極敷文奮武孝慈神聖純皇帝聖訓卷之四十四

武功四

乾隆二十一年丙子正月乙未

上諭軍機大臣等聞阿逆已抵伊犁大兵應速行進發策楞等此時少爲延緩則賊勢愈固殊於機宜未協逆賊自波羅塔拉遷至伊犁伊犁與波羅塔拉形勢不殊然究爲準噶爾總匯之地阿逆在彼施其奸計衆人易於脅

從益增黨羽大兵速進卽不能一時擒獲將伊犁從之人先行剿滅亦足以張軍威或將阿逆逐出伊犁使其窮無所歸自可計日就俘倘堅拒自守我兵卽踞形勝之地將伊圍困日久內變自生必有擒獻軍門邀恩封賞者策楞等其仰體朕心奮勉從事毋稍遠巡觀望坐失事機

四月己亥

上諭內閣策楞等誤報阿睦爾撒納就擒一事

中國少數民族古籍集成（漢文版）

總類·綜述

〇一四

不加詳審遠爾飛章入告固可駭異然此實由克喀特宰桑誤聽巴顏得木齊之子俄羅斯所傳輾轉馳報一如得之目睹遂至張騰布其咎尙屬可原及既知所報屬虛而六兵將抵伊犁與叛賊相距甚近若彼時疾馳倍進振作軍聲亦何難掩獲乃策楞扎拉豐阿並不身先督率而以追捕專委之玉保令其前驅玉保又僅令烏勒登尼瑪追至庫爾喀嶺獲一額琳沁而返遂若足以塞責阿逆轉

高宗純皇帝

卷四十四

三

得飄然遠颺竄入哈薩克界內左叛賊號計多端而諸臣一無調度朕早料其必致奔軼屢經降旨訓責而道遠往返亦已無及天下事原難豫定使諸臣果竭盡智勇而或致失之意外則亦無可如何即當驚竄已遠而窮力以追則亦自盡人事乃漫不經心彼此玩誤是叛賊之道迹遠引實意中之事而非意外之事矣若謂馬力疲乏則叛賊之馬何獨不疲乏耶即如多果魯特之伊勒都齊和碩

高宗純皇帝

卷四十四

三

齊等係在我大兵之後又何以轉能奔蹏前往耶更可異者玉保兵過伊犁不遠並不見賊僅據逃兵之言謂賊已窮蹙即馳札策楞達勒當阿等以爲叛賊困窮無煩大軍深入而策楞等亦遂不權輕重遽爾返旆以告輯伊犁爲詞不知伊犁乃久經撫定之地有何可辦況經阿逆蹂躪之後所存者饑羸殘弱將軍一至不過環向乞食而已國家撫禦中外固不惜加恩惠養然此等蠢戾賊至即從

賊去來歸迴非內地赤子可比乃不以爲賊爲事而沾沾爲殘衆謀其家室豈不謬耶策楞前經獲罪至一聞阿逆逃竄稍知奮起卽速前進朕加恩授以將軍重任伊當竭力圖報乃不審機宜緩急措置失當若此總之用兵準噶爾原非朕本意蓋以無集事之人也然其始也策凌策凌烏巴什等款關內附不得不爲之經理游牧以爲久長計而兩朝未竟之緒機有可乘於事勢又有不容坐

失者仍非窮兵黷武啟邊釁而勤遠畧也追大軍所至未折一矢諸部爭迎伊犁悉定此可見

上蒼之默佑有不期然而然者至於阿逆貢恩竄匿忍心怙亂人所切齒然不過一逃四耳與此事大局全無關礙譬如獵場中走一狼脫一兔但以衆人分路搜捕竟三竄逸豈不可笑可恨哈薩克前經通使及奉朕勅諭情甚歡欣恭順阿逆卽求託跡其反覆詭詐伎

高宗純皇帝

卷四十四

四

倆人所共知豈肯容納是尙不能及從前羅布藏丹津之投準噶爾現已傳諭哈薩克令其協力擒獻自可計日授首惟在事諸臣之辦理不善節節錯誤則殊出情理之外朕以用兵之初所以遲回未決者原慮諸臣非任事才乃今

天心垂相如此而諸臣行事不惟不能仰承竟往往相左果不出朕所慮甚爲愧懣所有策楞扎拉豐阿玉保本身之罪俟賊就擒後

再酌量分別另降諭旨將此通行宣諭中外知之

丁巳

上諭內閣策楞等統兵追捕逆賊阿睦爾撒納既已直抵伊犁相距甚近乃不派我軍威疾馳前進以擒賊爲事一接玉保札致卽回駐伊犁而玉保雖追至庫爾喀嶺僅獲一額琳沁而返其額琳沁屬下之人仍皆相隨叛賊以去由此觀之若使策楞玉保等早能奮勇

高宗純皇帝

卷四十四

五

協力急行追捕則叛賊斷不致遠颺卽玉保當額琳沁就縛時更能取其屬下馬駝以濟我師行之用竭力窮追尙亦不難掩獲卽使失之意外其所擒戮必不止一老邁之額琳沁而已也此何等重務而乃輾轉延緩坐失事機前已明降諭旨宣示中外矣夫以叛賊伏處近地尙且交臂失之今已竄入哈薩克境內其去已遠卽遣使傳諭哈薩克其縛獻與否舉未可知是應懾以兵威曉以大義而

先遴選勇敢將弁將命以往或庶幾耳而策
楞等奏稱恐哈薩克羈留我使致開釁端欲
遣哈薩克之俘留於額魯特者令其前往如
此措置豈不褻朝命而貽笑於諸額魯特耶
庸懦之人將有以策楞等爲曉事不知事在
人爲今未遣一人未發一兵是所謂自盡自
棄耳卽以國家經費言之雍正年間兩用
兵費帑至七千萬今未至二千萬也而府藏
充盈較前轉多且朕並未因用兵加徵賦稅

高宗純皇帝

卷四十四

六

剋減兵餉而賑恤更較往時爲過優何至策
楞等爲國惜費耶此不過以恒怯思家之心
託爲忠良爲國之言耳如是則人誰不能國
家何賴有是臣乎是以特命大學士忠勇公
傅恒馳驛前往將伊等拏問治罪並至額琳
哈畢爾噶一帶令衆台吉等齊集會盟以宣
布威信整飭軍務茲以傅恒起程後二日據
策楞等奏稱奉到朕訓飭之旨已自知罪戾
畏懼惶恐卽日率領官兵調集各台吉人馬

直壓哈薩克邊境勒令擒獻如叛賊逃往布
魯特卽至布魯特索取等語是伊等既已屬
兵采人比傅恒到軍營時策楞等進兵已一
月有餘斷無復行追還之理所欵會盟之台
吉宰桑等任事之人又復隨往軍前正在用
兵之際亦未便齊集會盟大學士傅恒亦無
庸前赴卽回京贊理機務策楞等軍前現有
達勒當阿同往一切機宜自應商酌而行或
因有此一番懲儆策楞等知所奮勉叛賊得

高宗純皇帝

卷四十四

七

以就擒亦未可定此亦視伊二人之福命矣
卽如馬匹一項現奏稱就各鄂拓克湊集二
千五百餘匹則前此亦並非無馬直以畏怯
不欲辦理耳近據富德奏到追殺叛賊噶古
忒至塞伯蘇台地方遇哈薩克一千餘衆我
軍以索倫兵三百餘直前衝突悉皆潰散斬
三百餘級所獲軍械牲畜甚多此亦可見哈
薩克本非勁旅策楞等畏怯自誤是以望而
却步耳總之叛賊之逸實由於策楞玉興二